

**MALAYSIA**

**DEWAN RAKYAT**

**ATURAN URUSAN MESYUARAT**

**NASKHAH SAHIH/BAHASA MALAYSIA**

<http://www.parlimen.gov.my>

**HARI SELASA, 22 OKTOBER 2013, PUKUL 10.00 PAGI**

**Bil. 26**

---

**PERTANYAAN-PERTANYAAN BAGI JAWAB LISAN**

1. PR-1313-L58939  
**Datuk Noor Ehsanuddin bin Mohd Harun Narrashid [ Kota Tinggi ]** minta **MENTERI PENDIDIKAN** menyatakan apakah strategi khusus Kementerian dalam memupuk minat dan membudayakan para pelajar di dalam bidang rekaan, inovasi, penciptaan dalam sains dan teknologi.
2. PR-1313-L58430  
**Tuan Teo Kok Seong [ Rasah ]** minta **MENTERI SAINS, TEKNOLOGI DAN INOVASI** menyatakan secara terperinci kos yang terlibat serta perkembangan terkini rancangan Program Angkasawan Negara Ke-2.
3. PR-1313-L57938  
**Datuk Seri Panglima Haji Abdul Ghapur bin Haji Salleh [ Kalabakan ]** minta **PERDANA MENTERI** menyatakan :-
  - (a) bolehkah Kementerian menyenaraikan projek infrastruktur yang telah dan akan dilaksanakan dalam program ESSCOM Sabah; dan
  - (b) berapakah nilai projek-projek berkenaan dan apakah kaedah pelantikan kontraktor-kontraktor pelaksanaanya.
4. PR-1313-L58531  
**Tuan Chong Chieng Jen [ Bandar Kuching ]** minta **MENTERI PERDAGANGAN ANTARABANGSA DAN INDUSTRI** menyatakan jumlah FDI (Foreign Direct Investment) negara kita dalam tahun 2010, 2011, 2012 dan 2013 (hingga 30hb September, 2013). Apakah angka pecah untuk masing-masing negeri dan wilayah di negara kita.

5. PR-1313-L58107  
**Datuk Haji Abdul Azeez bin Abdul Rahim [ Baling ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan langkah yang diambil bagi membendung tindakan sesetengah pihak yang cuba mengambil kesempatan menaikkan harga barang ekoran tindakan Kerajaan untuk menyelaraskan harga subsidi minyak serta kenyataan pemaju perumahan yang berhasrat menaikkan harga rumah sehingga 10 peratus atas alasan yang sama.
6. PR-1313-L58650  
**Tuan Manivanan a/l Gowindasamy [ Kapar ]** minta **MENTERI KESIHATAN** menyatakan :-
- (a) langkah-langkah terperinci yang diambil oleh Kerajaan untuk meringankan beban pesakit kanser, memandangkan pesakit kanser memerlukan rawatan dan pembedahan yang berkos tinggi dan ini telah membebankan rakyat yang berpendapatan rendah dan sederhana; dan
  - (b) usaha-usaha terperinci yang diambil oleh Kerajaan untuk membawa kesedaran masyarakat umum mengenai penyakit kronik ini.
7. PR-1313-L59056  
**Dato' Abdul Manan bin Ismail [ Paya Besar ]** minta **MENTERI SUMBER MANUSIA** menyatakan :-
- (a) setakat mana pusat latihan kemahiran di bawah Kerajaan melaksanakan program latihan kemahiran tahap tinggi selari dengan hasrat Kerajaan merealisasikan objektif Model Baru Ekonomi; dan
  - (b) berapa jumlah pelatih berkemahiran tinggi dihasilkan selepas menjalani latihan di Japan Malaysia Technical Institute (JMTI), Pusat Latihan Teknologi Tinggi (ADTEC), Institut Kemahiran Belia Negara dan Kolej Kemahiran Tinggi MARA bagi tahun 2010, 2011, 2012 dan 2013.
8. PR-1313-L58722  
**Dr. Ong Kian Ming [ Serdang ]** minta **MENTERI PENDIDIKAN** menyatakan jumlah bayaran yang diberi kepada Nord Anglia Education, termasuk kos mengupah guru-guru asing bagi menjalankan program latihan memperbaiki tahap guru Bahasa Inggeris.
9. PR-1313-L58091  
**Datuk Sapawi bin Ahmad Wasali [ Sipitang ]** minta **PERDANA MENTERI** menyatakan berapa banyak sudah jabatan/agensi Kerajaan dan sektor swasta yang sudah menandatangani Ikrar Integriti Korporat (CIP) sehingga kini sejak ia mula diperkenalkan pada tahun 2010 dan sejauh mana keberkesannya dalam menangani gejala rasuah.

10. PR-1313-L57881  
**Tuan Charles Anthony Santiago [ Klang ]** minta **PERDANA MENTERI** menyatakan dan mengesahkan pendirian Kerajaan mengenai laporan berikut di laman web "World Nuclear Association" pada Julai 2013:-
  - (a) 3-4 reaktor nuklear akan dibina; dan
  - (b) 5 lokasi telah dikenal pasti untuk pembinaan loji tenaga nuklear di Malaysia.
11. PR-1313-L58257  
**Dr. Noor Azmi bin Ghazali [ Bagan Serai ]** minta **MENTERI PENDIDIKAN** menyatakan berikutan penularan ajaran syiah, adakah perlu Kerajaan mewajibkan subjek Agama Islam bagi pelajar-pelajar beragama Islam di peringkat Universiti untuk mengukuhkan ilmu dan kefahaman agama.
12. PR-1313-L57690  
**Dato' Ngeh Koo Ham [ Beruas ]** minta **PERDANA MENTERI** menyatakan kedudukan perkahwinan yang kedua di antara seorang Islam dengan seorang Islam yang lain di Thailand tetapi tidak mengikut peraturan-peraturan yang ditetapkan oleh Enakmen Islam di Malaysia apabila mereka datang atau balik bermastautin di Malaysia.
13. PR-1313-L57739  
**Tuan Haji Hasbi bin Haji Habibollah [ Limbang ]** minta **MENTERI KEMAJUAN LUAR BANDAR DAN WILAYAH** menyatakan dapatkah Projek Bekalan Air Luar Bandar (BALB) Fasa 2 dari Simpang Ukong ke pekan kecil Nanga Medamit yang dianggarkan RM11 juta sahaja dilaksanakan pada tahun ini kerana SK Medamit dan SMK Medamit, pejabat-pejabat Kerajaan, klinik, kedai-kedai dan penduduk amat memerlukan memandangkan Fasa 1 sudah siap pada tahun 2012.
14. PR-1313-L57767  
**Tuan M. Kulasegaran [ Ipoh Barat ]** minta **MENTERI SUMBER MANUSIA** menyatakan :-
  - (a) jumlah kes-kes yang belum selesai untuk rujukan oleh Menteri-Menteri kepada Mahkamah Perusahaan; dan
  - (b) adakah Pengerusi (Chairman Industrial Court) baru akan dilantik.
15. PR-1313-L58785  
**Tuan Liang Teck Meng [ Simpang Renggam ]** minta **MENTERI PERDAGANGAN ANTARABANGSA DAN INDUSTRI** menyatakan bilakah AP kereta import akan dimansuhkan sepenuhnya.

16. PR-1313-L57510  
**Puan Alice Lau Kiong Yieng [ Lanang ]** minta **MENTERI PENDIDIKAN** menyatakan jumlah peruntukan untuk Program Bursary Pelajar Cemerlang SPM tahun 2012 dan jumlah pelajar yang diberikan tawaran serta nyatakan sama ada pelajar-pelajar tersebut akan diberi jaminan untuk masuk universiti selepas program yang diambil dan terus ditaja oleh Kerajaan.
17. PR-1313-L57360  
**Tuan Haji Ahmad Nazlan bin Idris [ Jerantut ]** minta **MENTERI KEMAJUAN LUAR BANDAR DAN WILAYAH** menyatakan langkah-langkah yang diambil oleh Kementerian dalam memperkasakan pelaksanaan projek pembangunan dari segi pemantauan serta tindakan terhadap projek-projek sakit, lewat, tertangguh, dan gagal yang membebankan kerajaan dan merugikan rakyat, agar projek tersebut dapat disiapkan mengikut tempoh yang ditetapkan.
18. PR-1313-L58340  
**Tuan Tony Pua Kiam Wee [ Petaling Jaya Utara ]** minta **MENTERI KEWANGAN** menyatakan kedudukan pinjaman RM250 juta kepada National Feedlot Corporation (NFC) yang tertunggak selama ini dan kedudukan projek NFC terkini.
19. PR-1313-L57791  
**Dato' Abd. Aziz bin Haji Sheikh Fadzir [ Kulim Bandar Baharu ]** minta **MENTERI PENDIDIKAN** menyatakan bilangan statistik pelajar Malaysia di luar negara yang masih belajar dan bilangan pelajar yang telah tamat belajar tetapi masih belum pulang ke Malaysia. Apakah langkah-langkah yang diambil Kementerian dalam usaha membawa pulang pelajar-pelajar Malaysia di luar negara yang telah tamat tempoh belajar tetapi masih enggan pulang ke Malaysia.
20. PR-1313-L58967  
**Tuan Nik Mohamad Abduh bin Nik Abdul Aziz [ Pasir Mas ]** minta **MENTERI DALAM NEGERI** menyatakan pelan tindakan pihak Kementerian untuk membasmi kegiatan jenayah dan gengsterisme di kalangan belia.
21. PR-1313-L58171  
**Dato' Wira Othman bin Abdul [ Pendang ]** minta **MENTERI KEWANGAN** menyatakan berapa jumlah sebenar hutang luar negara Malaysia sehingga kini, daripada mana Kerajaan meminjam, jumlah bayaran balik setahun dan kadar faedah yang dikenakan.
22. PR-1313-L58034  
**Puan Teresa Kok Suh Sim [ Seputeh ]** minta **MENTERI PENGANGKUTAN** menyatakan jumlah saman dan jumlah wang yang dikutip daripada saman AES yang dikeluarkan. Memandangkan Kerajaan telah memutuskan saman AES akan dikurangkan kepada RM150, apakah Kerajaan akan memulangkan separuh denda yang telah dibayar oleh mereka yang membayar RM300 saman AES secara penuh.

23. PR-1313-L58062  
**Tuan Khoo Soo Seang [ Tebrau ]** minta **MENTERI PENDIDIKAN** menyatakan sebab-sebab masalah kekurangan guru masih tidak dapat diatasi sepenuhnya. Apakah rancangan jangka pendek dan panjang Kementerian demi menyelesaikan masalah tersebut di semua aliran dan peringkat sekolah.
24. PR-1313-L58016  
**Tuan Sim Tong Him [ Kota Melaka ]** minta **MENTERI DALAM NEGERI** menyatakan bilangan permohonan penduduk tetap oleh isteri warga asing untuk tahun 2001 hingga 2013 dan antaranya berapa dapat diluluskan. Nyatakan sebab-sebab utama yang mengakibatkan permohonan mereka tidak dapat dipertimbangkan.
25. PR-1313-L58490  
**Datuk Ir. Dr. Wee Ka Siong [ Ayer Hitam ]** minta **MENTERI LUAR NEGERI** menyatakan hasil kejayaan dan kebaikan yang diperoleh oleh Malaysia setelah lawatan rasmi Presiden Xi Jinping dan Presiden Obama ke negara kita pada awal dan pertengahan bulan Oktober 2013.
26. PR-1313-L57287  
**Tuan Oscar Ling Chai Yew [ Sibu ]** minta **MENTERI DALAM NEGERI** menyatakan senarai bilangan kes pencurian kereta di Sibu dan seluruh Sarawak pada tahun 2005 hingga 2013. Bilakah Kerajaan akan mengatasi masalah jalan tikus di Sarawak.
27. PR-1313-L57930  
**Datuk Wira Haji Ahmad bin Hamzah [ Jasin ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan :-
- (a) peranan utama penubuhan Unit Pembangunan Bumiputera (UPB); dan
  - (b) adakah Kementerian yakin Unit Pembangunan Bumiputera (UPB) mampu memastikan peruntukan perumahan dan hartanah yang disediakan khas untuk golongan Bumiputera tidak diselewengkan.
28. PR-1313-L58757  
**Tuan Julian Tan Kok Ping [ Stampin ]** minta **MENTERI SAINS, TEKNOLOGI DAN INOVASI** menyatakan sama ada wujudnya kes mahkamah yang melibatkan Agensi Remote Sensing Malaysia (ARSM), Institute of Electronics Chinese Academy of Sciences (IECAS), syarikat Pannorthern dan Technology Park Malaysia (TPM). Minta penjelasan terperinci kes tersebut serta jumlah pampasan yang terlibat.

29. PR-1313-L58127  
**Datuk Raime bin Unggi [ Tenom ]** minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan senarai jenis perniagaan berasaskan dalam talian yang didaftarkan mengikut peruntukan undang-undang yang dikawal selia oleh Suruhanjaya Syarikat Malaysia (SSM).
30. PR-1313-L58511  
**Tuan Wong Ling Bui [ Sarikei ]** minta **MENTERI PELANCONGAN DAN KEBUDAYAAN** menyatakan sama ada Kerajaan Pusat mempunyai rancangan khas atau berniat untuk membangunkan industri pelancongan di bahagian Sarikei demi menarik pelancong-pelancong dari negeri-negeri lain. Apakah potensi tempat-tempat yang istimewa untuk menarik pelancong-pelancong dari luar negeri.
31. PR-1313-L58188  
**Dato' Seri Tiong King Sing [ Bintulu ]** minta **MENTERI SUMBER ASLI DAN ALAM SEKITAR** menyatakan apakah status dan perkembangan kerja pendalaman sungai (*dredging*) di Sungai Kemena, Bintulu yang semakin serius dan belum diatasi.
32. PR-1313-L57506  
**Dato' Seri Abdul Hadi bin Awang [ Marang ]** minta **PERDANA MENTERI** menyatakan adakah Kerajaan akan melaksanakan perkara yang terangkum dalam 5 strategi Memperkasakan Ekonomi Bumiputera seperti yang diumumkan di Universiti Teknologi Mara (UiTM) pada 14 September 2013 yang lalu.
33. PR-1313-L58061  
**Dr. Mansor bin Abd Rahman [ Sik ]** minta **MENTERI DALAM NEGERI** menyatakan apakah tindakan yang telah diambil oleh Kerajaan khususnya KDN dalam mengatasi masalah dadah dan gejala buruk seperti mat rempit di kalangan remaja luar bandar terutamanya di kawasan felda.
34. PR-1313-L57737  
**Tuan Nga Kor Ming [ Taiping ]** minta **MENTERI DALAM NEGERI** menyatakan secara terperinci jumlah orang yang ditangkap dan dibebaskan termasuk yang didakwa serta pencapaian terkini Ops-Cantas Khas demi memelihara keselamatan masyarakat kita.
35. PR-1313-L58092  
**Dato' Ir. Haji Nawawi bin Ahmad [ Langkawi ]** minta **PERDANA MENTERI** menyatakan PETRONAS dikatakan telah berjaya membina enjin kereta lumba sendiri, apakah status enjin tersebut, dan adakah ia dapat memberi pulangan kepada PETRONAS, dan apakah rancangan jangka panjang hasil daripada keluaran enjin kereta lumba tersebut.

36. PR-1313-L58379  
**Tuan Fong Kui Lun [ Bukit Bintang ]** minta **MENTERI PELANCONGAN DAN KEBUDAYAAN** menyatakan langkah-langkah yang bakal diperkenalkan oleh Kerajaan untuk memastikan program Tahun Melawat Malaysia 2014 satu kejayaan besar.
37. PR-1313-L58715  
**Tuan Haji Zainudin bin Ismail [ Jelebu ]** minta **PERDANA MENTERI** menyatakan :-
- (a) sejauh mana keyakinan Kerajaan boleh berjaya mencapai matlamat negara maju berpendapatan tinggi pada tahun 2020; dan
  - (b) nyatakan juga cabaran yang mungkin boleh diduga untuk mencapainya dan apakah percaturan yang telah dibuat oleh Kerajaan bagi memastikan matlamat yang telah ditetapkan itu boleh dicapai.
38. PR-1313-L57708  
**Tuan Seah Leong Peng [ Telok Intan ]** minta **MENTERI DALAM NEGERI** menyatakan apakah ada program-program yang dirangka dan dirancang untuk dilaksanakan bersama NGO atau badan persendirian bagi mengekang pertambahan bilangan penagih dadah khususnya di negeri yang mempunyai bilangan penagih yang tinggi iaitu Perak, Pulau Pinang dan Kedah.
39. PR-1313-L58860  
**Datuk Haji Datu Nasrun bin Datu Mansur [ Silam ]** minta **MENTERI PENGANGKUTAN** menyatakan melalui respons balas Kerajaan pada 24 september 2013 mengenai dasar kabotaj, apakah langkah kerajaan untuk mengimbangi harga pasaran buku yang mempunyai perbezaan harga di antara Semenanjung, Sabah dan Sarawak memandangkan buku ini adalah untuk kegunaan para pelajar sekolah.
40. PR-1313-L57775  
**Tuan Er Teck Hwa [ Bakri ]** minta **MENTERI DALAM NEGERI** menyatakan pecahan kes-kes tembak mati rakyat Malaysia sepanjang tahun 2013, punca senjata api begitu mudah didapati, langkah pencegahan yang sedang, telah dan akan diambil serta kesesuaian Polis Marin diwujudkan semula untuk mengawal perairan negara berbanding APMM yang dilihat gagal.
41. PR-1313-L57995  
**Puan Rubiah binti Haji Wang [ Kota Samarahan ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan adakah mekanisme pemantauan kenaikan harga barang ketika ini berkesan.

42. PR-1313-L58687  
**Tuan Ignatius Dorell Leiking [ Penampang ]** minta **PERDANA MENTERI** menyatakan jumlah royalti minyak yang dibayar kepada Sabah bagi tahun 2008, 2009, 2010, 2011 dan 2012 dan juga bagaimana dan ke pihak mana royalti ini dibayar.
43. PR-1313-L57095  
**Dato' Seri Ong Ka Chuan [ Tanjong Malim ]** minta **MENTERI PENDIDIKAN** menyatakan langkah yang akan diambil oleh Kementerian untuk membantu SJK (C) Chin Woo di Kuala Lumpur dalam menyelesaikan masalah pengambilan tanah sekolah oleh Kementerian Pelancongan dan Kebudayaan.
44. PR-1313-L58724  
**Tuan Loke Siew Fook [ Seremban ]** minta **MENTERI DALAM NEGERI** menyatakan senarai senjata api yang telah hilang daripada pasukan Polis DiRaja Malaysia dari tahun 2008 sehingga terkini mengikut jenis model dan sebab kehilangan tersebut.
45. PR-1313-L57160  
**Datuk Linda Tsen Thau Lin [ Batu Sapi ]** minta **MENTERI PERUSAHAAN PERLADANGAN DAN KOMODITI** menyatakan apakah bantuan dan sokongan yang diberikan oleh Kerajaan Persekutuan kepada pengusaha-pengusaha ladang kelapa sawit dan ladang kayu-kayan di Sabah, memandangkan sektor-sektor ini sangat penting di Sabah dan Malaysia pada keseluruhannya.
46. PR-1313-L58231  
**Tuan Tan Kok Wai [ Cheras ]** minta **MENTERI DALAM NEGERI** menyatakan jumlah pekerja asing yang mendapat kelulusan memasuki Malaysia dan berapa ramai jumlah pekerja asing telah meninggalkan Malaysia bagi tempoh 2011, 2012 sehingga bulan September 2013 dengan menyatakan negara-negara asalnya.
47. PR-1313-L57574  
**Datuk Hajah Norah binti Abd Rahman [ Tanjong Manis ]** minta **MENTERI PERUSAHAAN PERLADANGAN DAN KOMODITI** menyatakan memandangkan harga minyak petrol semakin meningkat, setakat manakah kejayaan penggunaan dan keberkesanan minyak kelapa sawit baru atau terpakai sebagai pengganti dan alternatif kepada minyak petrol, diesel dan gas.
48. PR-1313-L57513  
**Tuan Lim Kit Siang [ Gelang Patah ]** minta **PERDANA MENTERI** menyatakan senarai semua laporan, pelan induk atau dokumen rasmi dalam masa 10 tahun lalu yang telah ditugaskan kepada konsultan luar negara, seperti Pelan Pembangunan Pendidikan yang telah diberi kepada McKinsey & Co., serta nyatakan juga identiti konsultan asing tersebut dan kos setiap tugas.



49. PR-1313-L57332  
**Tan Sri Datuk Seri Panglima Joseph Pairin Kitingan [ Keningau ]** minta **MENTERI PENDIDIKAN** menyatakan bilakah akan dilaksanakan pembangunan projek Sekolah Menengah Wawasan Desa di Daerah Keningau, Sabah yang telah diumumkan kelulusannya oleh Timbalan Perdana Menteri sendiri awal tahun ini.
50. PR-1313-L58582  
**Tuan Mohamed Hanipa bin Maidin [ Sepang ]** minta **MENTERI SUMBER ASLI DAN ALAM SEKITAR** menyatakan :-
- (a) jumlah kawasan di dalam Parlimen Sepang yang mengalami banjir purata setiap tahun; dan
  - (b) apakah langkah-langkah yang telah di ambil oleh pihak Kementerian bagi memastikan banjir tidak akan berlaku di kawasan-kawasan tersebut.
51. PR-1313-L58467  
**Tuan Chua Tian Chang @ Tian Chua [ Batu ]** minta **MENTERI DALAM NEGERI** menyatakan apakah prosedur yang perlu diambil polis di dalam kes senjata api hilang. Apakah tindakan yang akan diambil terhadap pegawai polis yang kehilangan senjata api. Sila senaraikan jumlah senjata api yang hilang sejak lima tahun lepas. Sila kategorikan dan senaraikan jumlah nilai bagi setiap kategori.
52. PR-1313-L57168  
**Dato' Dr. Tan Kee Kwong [ Wangsa Maju ]** minta **MENTERI SAINS, TEKNOLOGI DAN INOVASI** menyatakan kaedah yang diguna pakai oleh Lynas untuk melupuskan sisa-sisa nadir bumi.
53. PR-1313-L57952  
**Puan Kasthuriraani a/p Patto [ Batu Kawan ]** minta **PERDANA MENTERI** menyatakan hasrat untuk memberi peruntukan kepada Ahli Dewan Undangan Negeri pihak pembangkang yang berkhidmat di negeri-negeri di bawah pihak Kerajaan seperti Perlis, Kedah, Perak, Negeri Sembilan, Melaka, Johor, Pahang, Terengganu, Sabah serta Sarawak seperti yang dilakukan oleh negeri Pulau Pinang.
54. PR-1313-L58988  
**Puan Mas Ermieyati binti Samsudin [ Masjid Tanah ]** minta **MENTERI BELIA DAN SUKAN** menyatakan apakah tindakan yang telah diambil bagi meningkatkan bilangan Pegawai Awam di Pejabat Belia dan Sukan Daerah (PBSK) kerana secara nisbah pada masa kini hanya 4 ke 5 orang pegawai sahaja berbanding jumlah belia yang semakin ramai.

55. PR-1313-L57240  
**Datuk Dr. Haji Abd. Latiff bin Haji Ahmad [ Mersing ]** minta **PERDANA MENTERI** menyatakan TERAJU ditubuhkan untuk transformasi serta memperkukuhkan penyertaan golongan Bumiputera agar jurang ekonomi di antara Bumiputera dengan kaum lain dapat dirapatkan:-
- (a) setakat ini apakah kejayaan yang telah dicapai; dan
  - (b) adakah ianya boleh mencapai matlamat pada tahun 2020 di mana Bumiputera seimbang dalam sektor pekerjaan berpendapatan tinggi, pemilikan syarikat besar dan dalam sektor pertumbuhan ekonomi.
56. PR-1313-L57348  
**Puan Nurul Izzah binti Anwar [ Lembah Pantai ]** minta **MENTERI WILAYAH PERSEKUTUAN** menyatakan :-
- (a) susulan persetujuan Menteri pada 26 Ogos 2013, bilakah pelaksanaan penyaluran wang peruntukan kawasan-kawasan Parlimen kepada Ahli Parlimen yang dipilih akan dibuat; dan
  - (b) apakah mekanisme wang peruntukan akan disalurkan demi manfaat dan kebajikan penduduk kawasan-kawasan yang dimaksudkan.
57. PR-1313-L59122  
**Dr. Tan Seng Giaw [ Kepong ]** minta **PERDANA MENTERI** menyatakan langkah-langkah untuk memastikan pertumbuhan ekonomi yang dianggarkan. Apakah faktor-faktor yang dipertimbangkan.
58. PR-1313-L58572  
**Datuk Dr. Makin @ Marcus Mojigoh [ Putatan ]** minta **PERDANA MENTERI** menyatakan :-
- (a) penemuan dan keputusan yang dibuat oleh Jawatankuasa Khas (yang ditubuhkan pada tahun 1973 dan dipengerusikan oleh Allahyarham Tun Dr. Ismail Abdul Rahman) bagi mengkaji semula Perjanjian Malaysia; dan
  - (b) apakah benar bahawa perjanjian tersebut belum lagi dikaji semula walaupun ia sepatutnya dikaji semula 10 tahun dari 1963.
59. PR-1313-L57831  
**Datuk Nur Jazlan bin Mohamed [ Pulai ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan jumlah syarikat dan nilai denda yang dikenakan di bawah Akta Persaingan.

**ATURAN URUSAN MESYUARAT DAN USUL-USUL**

- |    |                |  |                                   |
|----|----------------|--|-----------------------------------|
| 1. | (D.R. 9/2013)  | Rang Undang-undang Kanun Keseksaan (Pindaan) 2013 –<br><b>Menyambung semula Perbahasan atas masalah,<br/>“Bahawa Rang Undang-undang ini dibacakan kali yang<br/>kedua sekarang”<br/>(21 Oktober, 2013)</b> |                                   |
| 2. | (D.R. 11/2013) | Rang Undang-undang Kesalahan<br>Keselamatan (Langkah-Langkah Khas)<br>(Pindaan) 2013   | <b>Bacaan Kali<br/>Yang Kedua</b> |
|    |                | <b>[ Menteri Dalam Negeri ]</b>  |                                   |
| 3. | (D.R. 14/2013) | Rang Undang-undang Penjara (Pindaan)<br>2013   | “                                 |
|    |                | <b>[ Menteri Dalam Negeri ]</b>  |                                   |
| 4. | (D.R. 10/2013) | Rang Undang-undang Kanun Tatacara<br>Jenayah (Pindaan) 2013  | “                                 |
|    |                | <b>[ Menteri di Jabatan Perdana Menteri ]</b>  |                                   |
| 5. | (D.R. 12/2013) | Rang Undang-undang Keterangan<br>(Pindaan) 2013  | “                                 |
|    |                | <b>[ Menteri di Jabatan Perdana Menteri ]</b>  |                                   |
| 6. | (D.R. 13/2013) | Rang Undang-undang Bahan-bahan<br>Kakisan dan Letupan dan Senjata<br>Berbahaya (Pindaan) 2013  | “                                 |
|    |                | <b>[ Menteri Dalam Negeri ]</b>  |                                   |
| 7. | (D.R. 15/2013) | Rang Undang-undang Lambang dan Nama<br>(Mencegah Penggunaan Tak Wajar)<br>(Pindaan) 2013   | “                                 |
|    |                | <b>[ Menteri di Jabatan Perdana Menteri ]</b>  |                                   |
| 8. | (D.R. 16/2013) | Rang Undang-undang Rumah Perjudian<br>Terbuka (Pindaan) 2013   | “                                 |
|    |                | <b>[ Menteri Kewangan ]</b>  |                                   |

9. (D.R. 17/2013) Rang Undang-undang Loteri (Pindaan) 2013 “  
**[ Menteri Kewangan ]**
10. (D.R. 18/2013) Rang Undang-undang Pertaruhan Pool (Pindaan) 2013 “  
**[ Menteri Kewangan ]**
11. (D.R. 19/2013) Rang Undang-undang Fi (Jabatan Muzium Malaysia) (Pengesahan) 2013 “  
**[ Menteri Pelancongan dan Kebudayaan]**
12. (D.R. 20/2013) Rang Undang-Undang Dadah Berbahaya (Pindaan) 2013 “  
**[ Menteri Kesihatan ]**
13. PR-1313-U58205  
**Datuk Madius Tangau [ Tuaran ]** akan mencadangkan:-

"Menyedari hakikat bahawa hak-hak istimewa Bumiputera di negara ini adalah terpelihara kerana perlindungan itu termaktub dalam Perkara 153 Perlembagaan Persekutuan. Menerima juga hakikat bahawa kewujudan Perkara 153 Perlembagaan Persekutuan yang digubal untuk melindungi hak-hak istimewa Orang-orang Melayu di Semenanjung Malaysia dan suku-suku kaum natif ataupun Orang Asli di Sabah dan Sarawak sepertimana yang terkandung dalam Native Interpretation Ordinance Sabah. Dan menerima juga hakikat bahawa suku-suku kaum Orang Asli di Semenanjung tidak termasuk dalam senarai di bawah Perkara 153 tersebut. Menyedari juga hakikat bahawa suku-suku kaum Orang Asli di Semenanjung Malaysia merasa tersisih dalam banyak dasar dan program yang dikhaskan untuk membela hak-hak Bumiputera. Menerima juga hakikat bahawa suku-suku kaum Orang Asli adalah ketinggalan jauh di belakang dalam kesemua aspek pembangunan sedangkan mereka ini adalah suku kaum peribumi yang sebenar. Di atas kesedaran tersebut maka saya dengan ini membuat Usul di Dewan yang mulia ini meminta pihak Kerajaan supaya membuat pindaan terhadap Perkara 153 Perlembagaan Persekutuan dengan tujuan untuk memasukkan suku-suku kaum Orang Asli Semenanjung dalam senarai suku-suku kaum yang dilindungi oleh peruntukan Perlembagaan tersebut."

**( Perdana Menteri )**

14. PR-1313-U59118

**Tuan Zairil Khir Johari [ Bukit Bendera ]** akan mencadangkan:-

"Bahawa pada masa ini, 34 peratus sekolah rendah di Malaysia mempunyai kurang daripada 150 murid dan secara rasminya telah diklasifikasikan sebagai Sekolah Kurang Murid (SKM). Mereka menyumbang 7 peratus daripada enrolmen sekolah rendah. Bahawa secara purata, SKM menghasilkan pencapaian akademik yang agak lemah berbanding sekolah kebangsaan yang lain. Skor purata komposit bagi sekolah ini ialah 68 peratus, 4 peratus mata di belakang sekolah kebangsaan lain. Kelemahan dalam prestasi ini boleh dikaitkan dengan tiga cabaran struktur. Bahawa pertama, 7 peratus sekolah kurang murid terpaksa melalui perjalanan yang jauh untuk hadir ke sekolah dan mengurangkan kemungkinan untuk menempatkan guru dan guru besar berprestasi tinggi berkhidmat di sekolah berkenaan. Bahawa kedua, sekolah ini kurang mendapat manfaat daripada segi kokurikulum, kemudahan yang lebih baik dan interaksi dengan rakan sebaya daripada pelbagai latar belakang. Bahawa ketiga, kebanyakan sekolah ini berada dalam kawasan status sosio ekonomi rendah dan menghadapi masalah yang berkaitan dengan status sosio ekonomi itu. Keluarga berpendapatan rendah biasanya akan berdepan dengan cabaran untuk mengekalkan anak mereka di sekolah kerana terpaksa menanggung kos berkaitan bekalan, pakaian seragam, dan pengangkutan, yang membawa kepada pertambahan kadar tidak hadir ke sekolah. Bahawa perbelanjaan penyelenggaraan adalah 7 kali lebih tinggi untuk setiap murid di SKM berbanding dengan murid di sekolah harian biasa (Ekshibit 4-8). Kos yang tinggi ini ditambah pula dengan nisbah guru murid yang rendah pada kadar 1:6 berbanding purata kebangsaan, iaitu 1:13 sehingga menyebabkan kos operasi untuk SKM menjadi lebih tinggi. Bahawa Dewan ini menggesa Kerajaan mengambil langkah-langkah perlu untuk mengatasi masalah tersebut di atas."

**( Kementerian Pendidikan )**

15. PR-1313-U57786

**Tuan M. Kulasegaran [ Ipoh Barat ]** akan mencadangkan:-

"Bahawa Dewan Parlimen hendaklah mengambil maklum dan mengarahkan Menteri Sumber Manusia untuk membatalkan semua kelulusan untuk syarikat-syarikat yang menundakan pelaksanaan gaji minima."

**( Kementerian Sumber Manusia )**

16. PR-1313-U58419

**Tuan Fong Kui Lun [ Bukit Bintang ]** akan mencadangkan:-

"Bahawa Suruhanjaya Pilihan raya Malaysia dalam proses untuk melaksanakan persempadanan semula kawasan Pilihan raya hendaklah memastikan wujud keseimbangan pemilih antara kawasan Pilihan raya dan mengelak perbuatan menggerimander (gerrymandering) yang merugikan para pemilih."

**( Perdana Menteri )**

17. PR-1313-U58420

**Tuan Fong Kui Lun [ Bukit Bintang ]** akan mencadangkan:-

"Bahawa Kerajaan hendaklah menyalurkan peruntukan tahunan bagi Ahli Parlimen secara adil, baik untuk wakil rakyat BN mahu pun wakil rakyat pembangkang sebagaimana cadangan Kerajaan Negeri Pulau Pinang untuk menyalurkan peruntukan yang sama diterima oleh wakil-wakil rakyat pembangkang kepada wakil-wakil rakyat BN mulai tahun 2014."

**( Perdana Menteri )**

18. PR-1313-U58688

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan menggesa Kementerian Dalam Negeri mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

**( Kementerian Dalam Negeri )**

19. PR-1313-U58691

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia".

**( Kementerian Pendidikan )**

20. PR-1313-U59119

**Dr. Tan Seng Giaw [ Kepong ]** akan mencadangkan:-

"Bahawa Dewan ini membincangkan isu alternatif untuk mengatasi sisa pepejal di Malaysia termasuk insinerator moden."

**(Menteri Kesejahteraan Bandar, Perumahan dan Kerajaan Tempatan)**

21. PR-1313-U59120

**Dr. Tan Seng Giaw [ Kepong ]** akan mencadangkan:-

"Bahawa Dewan ini mendebatkan dasar dan langkah untuk menangani kemalangan jalan raya di negara ini."

**( Menteri Pengangkutan )**